

Ok ensullen neyne borgere edir de hir wonhafftich sin, wanne de arne kommet, sek buten vormeyden edir anderswor to arnende vordingen, de winterfruchte sii denne hir vor der stad alle inne. We des nicht helde edir verbreke, solde unsir gnedigen herschap unde der stad eyn punt geven.

Ok entschullen sek neyne dienstknechte noch megede twige vormeden. We dat dede, scholde unser gnedigen herschapp unde dem raide mit eyne punde vorvallen sin unde deme, he sek erst vermedet hedde, den dienst halden unde deme andirn 10 β geven.

[VI.] Vorkaufsverbot.

Ok sin de amptlude unde rad vorbenomd eyne worden, dat neyne vorkopere hir to Munden sullen kopen swyne, ossen edir solt, dat hir up eyne mile weges na komen unde gebracht sii, et ensii erst twene dage hir to markede vele gewesen. We dat verbreke, solde unsir gnedigen herschap unde der stad eyne mark geven.

Des sulven gelik ensullen ok de hokere neynen vorkop don mit der ware, de se plegen to sellende, et ensii hir erst eyne dach veyle gewest, unde also dat solt up den sonnavent^{a)} gegulden hefft, sullen et de hokere unde vorkopere de weken over nicht durer geven.

[VII.] Jahrmärkte.

Ok wen hir de frienmargkte gehalden werden, so entschullen unse burgere umme den margkt wonhafftig andern unsen burgern, de kremerige edder ander velinge hebben, vor oren husen mit orer war unde velinge to stande nicht weygern, sundern on der stede vor andern uthluden ghunnen, so vorder de neyne velinge hebbe, daranne den dat hindern moge. Unde we des nicht

^{a)} Ursprünglich stand sonntag.